



KRIMOLOVCI U JUNU ZAPRIMILI VELIKI BROJ ANONIMNIH PRIJAVA

GRAĐANI POMOGLI U HVATANJU DILERA I KRIJUMČARA ORUŽJEM

Tokom mjeseca juna telefonske linije „Krimolovaca“ ponovo su se usijale, a ovoga mjeseca policijski službenici Državne agencije za istrage i zaštitu (SIPA) registrovali su 384 poziva građana.

Kako je saopćeno iz SIPA-e, zaprimljena je 21 korisna informacija o počinjenim

ili planiranim krivičnim djelima i počiniocima.

-Pored navedenog, putem elektronskog obrasca za prijavu krivičnog djela zaprimljeno je 56 prijava, od čega jedanaest korisnih informacija o počinjenim ili planiranim krivičnim djelima i počiniocima, na osnovu kojih je sačinjeno isto

toliko kriminalističko-obavještajnih izvještaja –saopćeno je iz SIPA-e.

Najveći broj informacija odnosio se na neovlašteni promet opojnim drogama i oružjem. Od ukupnog broja zaprimljenih informacija putem „Krimolovaca“ i elektronskog obrasca, 32 su

prosljeđene na dalje postupanje nadležnim policijskim organima u Bosni i Hercegovini, a po jedanaest je posturala i SIPA.

U izvještajnom periodu pristiglo je 18 povratnih informacija od nadležnih policijskih i drugih organa koje su u vezi sa ranije dostavljenim

informacijama zaprimljenim putem „Krimolovaca“ ili elektronskog obrasca za prijavu krivičnog djela.

Pored navedenog, policijski službenici SIPA-e dali su 111 savjeta građanima koji su ih kontaktirali putem anonimnog i besplatnog telefonskog broja.